

Newspaper	SINAR HARIAN
Date	3 APRIL 2015

'Rakyat sudah tidak percaya Najib'

Sinar Harian - 3/4/2015

SHAH ALAM - "Sesungguhnya rakyat, baik Melayu, Cina, India atau suku kaum Sabah dan Sarawak sudah tidak percaya lagi kepada Datuk Seri Najib (Tun Razak)."

Itu kritikan terbaharu dan paling keras pernah dibuat setakat ini oleh bekas Perdana Menteri, Tun Dr Mahathir Mohamad terhadap pemimpin nombor satu negara itu.

Walaupun sebelum ini Dr Mahathir kerap menegur dan mempersoalkan pentadbiran Najib, dalam blognya semalam beliau menjelaskan mengapa beliau terpaksa buat teguran begitu terhadap Najib.

"Bukanlah mudah bagi saya menulis blog ini. Tetapi demi bangsa dan negara saya terpaksa dedah semua ini," katanya dalam tulisan bertajuk 'Umno dan PRU14' di blognya, Chedet.

Dr Mahathir berkata, ramalan yang dibuat kini ialah Umno dan BN akan kalah dalam PRU14 kerana terlalu banyak tuduhan yang dibuat terhadap Najib tidak dijawab olehnya.

Selain itu, katanya, rakyat hilang kepercayaan kepada Najib kerana dasar pemerintahan beliau terhadap kepada pemberian wang percuma serta menimbulkan kemarahan orang Melayu dengan mengetepikan Dasar Ekonomi Baru kerana ingin mendapat sokongan orang Cina.

"Namun penolakan BN dalam PRU13 membuktikan orang Cina menolak pemerintahan Najib," katanya.

Menurut negarawan itu, ahli Umno dan pemimpinnya perlu sedar parti itu dan BN akan kalah dalam PRU14 jika Najib memimpin Umno sehingga pilihan raya depan.

"Apabila Umno kalah, orang Melayu akan kutuk kepimpinan yang menjadikan parti keramat ini begitu lemah sehingga ditolak bangsa Melayu sendiri. Sekali Umno kalah, ia tidak akan dapat dipulih semula," katanya.

Beliau juga mengkritik sikap ramai ahli dan pemimpin Umno yang setia membuat tuli kepada pemimpin.

"Saya juga setia tetapi kesetiaan saya ialah kepada parti dan orang Melayu yang diwakili olehnya.

"Melayu hanya akan selamat jika bersikap bangsa lebih utama daripada diri sendiri," tegasnya.

Dr Mahathir dalam tulisannya turut menyetujui dakwaan bahawa beliau sudah nyanyuk.

"Saya belum nyanyuk walaupun umur hampir 90 tahun. Sesiapa yang



DR MAHATHIR

berkata saya nyanyuk sebenarnya menipu diri," katanya.

Beliau juga secara lantang mengkritik Najib kerana membeli sebuah lagi pesawat mewah walaupun kerajaan menghadapi kekurangan wang yang besar dan terpaksa berhutang.

"Umum mengetahui pesawat ACJ319 yang sedia ada diguna bukan sahaja untuk tugas rasmi tetapi sebagai kenderaan peribadi untuk Datuk Seri (Najib) dan Datin Seri (Rosmah Mansor)," dakwanya.

Beliau turut menyenaraikan masalah dihadapi negara sekarang.

"Dalam keadaan ekonomi tidak menentu, dalam keadaan rakyat terpaksa bayar cukai yang lebih tinggi, dalam keadaan nilai ringgit yang menurun teruk, dalam keadaan kos sara hidup meningkat dan rakyat dilanda banjir dan kehilangan ratusan juta ringgit, kerajaan membazirkan wang ratusan juta untuk pesawat mewah, walaupun sudah ada pesawat-pesawat milik kerajaan," tegasnya.

Beliau juga mempertikai cara pembelian pesawat itu yang menyebabkan kerajaan akhirnya terpaksa menanggung beban pembelian.

"Jika syarikat bukan kerajaan yang secara rasmi membeli, bayaran melalui sewa lebih tinggi daripada belian secara langsung kerana terpaksa beri keuntungan kepada pemilik dan faedah yang dimasukkan," katanya.

Beliau juga mempertikai cara pembelian pesawat itu yang menyebabkan kerajaan akhirnya terpaksa menanggung beban pembelian.

"Jika syarikat bukan kerajaan yang secara rasmi membeli, bayaran melalui sewa lebih tinggi daripada belian secara langsung kerana terpaksa beri keuntungan kepada pemilik dan faedah yang dimasukkan," katanya.

Banyak soalan tidak dijawab

Menyetujui mengenai tuduhan yang tidak dijawab Najib, Dr Mahathir berkata ia bermula dengan kes pembunuhan Altantuya Shaariibuu, wanita Mongolia yang dikaitkan dengan skandal pembelian kapal selam.

"Dua orang anggota polis dituduh menembak mati wanita berkenaan, dibicarakan, didapati bersalah, kemudian

didapati tidak bersalah dan dibebaskan. Kemudian dibicarakan semula dan dikena hukuman bunuh. Seorang daripada mereka dalam tahanan tetapi Sirul (Azhar Umar) seorang lagi berada di Australia. Dia buat kenyataan diarah untuk membunuh. Rakyat tertanya-tanya siapa yang beri arahan," katanya.

Sebagai pengawal peribadi Najib, katanya, dakwaan Sirul perlu disiasat untuk tentukan siapa beri arahan.

"Tetapi selain daripada Najib berkata Sirul "merepek", tidak ada siasatan yang dibuat. Ini adalah nyawa manusia. Amatlah zalim jika Sirul dibunuh kerana menjalankan arahan," katanya.

Beliau turut menyentuh skandal 1Malaysia Development Bhd (1MDB) yang juga dianggap satu lagi tuduhan yang tidak dijawab oleh Najib.

Menurutnya, tuduhan penyelewengan dalam urusan wang berbilion ringgit oleh seorang usahawan Malaysia, Jho Low telah dibuat dengan bukti jelas.

Namun, katanya, selain daripada berkata ia adalah pembongohan, tuduhan itu tidak dijawab oleh Najib.

"Kononnya aset 1MDB berjumlah RM52 bilion sedangkan hutang hanya RM42 bilion. Aset tidak jadi keuntungan sebelum dijual (dicairkan).

"Kenapa untuk membayar faedah RM2 bilion pun terpaksa hutang daripada (hartawan Malaysia, Tan Sri) Ananda Krishnan. Kalau 1MDB tidak rugi, kenapa terpaksa hutang. Kenapa wang kerajaan sebanyak RM1 bilion diberi kepada 1MDB setelah hutang dibayar?," soalnya.

Beliau turut pertikai kenyataan 1MDB mengenai wang yang disimpan di bank pesisir pantai di Cayman Islands sudah dibawa balik.

"Tetapi separuh disimpan dalam bank Swiss (BSI) di Singapura. Di mana pergi separuh lagi dari RM6 bilion? Kenapa wang ini tidak diguna untuk bayar faedah RM2 bilion.

"Kononnya disimpan di Singapura kerana Bank Negara Malaysia akan menyoal simpanan lebih daripada RM50 juta. Jika duit itu duit kita yang hanya disimpan di Cayman, apa masalahnya menjelaskan kepada Bank Negara Malaysia punca wang itu. Lagi pun duit ini dimiliki oleh 1MDB yang dikuasai penuh oleh Perdana Menteri yang juga Menteri Kewangan," katanya.

Menurutnya, soalan-soalan lain

PM tak perlu letak jawatan

KUALA LUMPUR - Perdana Menteri, Datuk Seri Najib Tun Razak tidak perlu letak jawatan ekoran kritikan keras bekas Perdana Menteri, Tun Dr Mahathir Mohamad yang mendakwa Presiden Umno itu sudah hilang sokongan.

Pengerusi Jawatankuasa Kira-Kira Wang Negara (PAC) Datuk Nur Jazlan Mohamed berkata kritikan Tun Mahathir itu bukan perkara baru dan sudah dibangkit berulang kali.

Tegas Jazlan, kedudukan Najib tidak terjejas dan sokongan parti dan rakyat terhadapnya tidak berkurangan meskipun mendapat pelbagai kritikan.

"Itu pendapat beliau (Tun Mahathir), tapi itu bukan isu, sekali Najib ada sokongan parti dan rakyat kenapa perlu letak jawatan, dan sekarang ini ya (masih ada sokongan).

"Kedua-dua mereka lelaki yang hebat, hanya berbeza pendapat berkenaan hala tuju negara.

"Sama ada mereka boleh bertemu persamaan itu terpulang kepada mereka," kata Ahli Parlimen Pulau Ii selepas mempengerusikan Mesyuarat PAC di Parlimen, semalam.

Sementara itu, Penasihat Sosio-Budaya Kerajaan Malaysia Tan Sri Dr Rais Yatim berkata, kenyataan Dr Mahathir itu dilihat boleh diterima pakai seandainya ada bukti atau dikeluarkan pada masa PRU benar-benar hampir tiba.

"Saya boleh menerima kata-kata Dr Mahathir jika bukti-bukti ini masih wujud setahun sebelum PRU. Jika ia berlaku, mungkin sudah terlambat untuk mengubah semuanya kepada keadaan sepatutnya," katanya seperti dilaporkan Awani.

berkenaan 1MDB juga tidak dijawab selain daripada menyebut bahawa 1MDB memiliki aset besar.

"Soal harga tanah kerajaan yang dibeli oleh 1MDB tidak dijelaskan. Sudah tentu jika dibeli dengan harga murah dan dinaikkan nilai berkali ganda, aset ini menjadi besar. Tetapi kerajaan rugi banyak dengan tanah miliknya dijual dengan harga yang tidak mencerminkan harga pasaran.

"(Wang) AS\$700 juta (RM2.56 bilion) dibayar kepada Petro Saudi untuk apa? Sudahkah ditentukan Petro Saudi memiliki konsesi kawasan minyak dan gas di Argentina dan Turkmenistan sebelum membayar wang yang begitu banyak," soalnya.

Katanya, akhbar The New York Times, London Times dan laman web Sarawak Report turut melaporkan Low terlibat dalam pengurusan berbilion ringgit duit 1MDB.

"Siapa dia Jho Low yang begitu dipercayai oleh Datuk Seri Najib. Pegawai Malaysia yang dilantik mengurus dana 1MDB mengaku mereka diarah oleh Jho Low yang mendakwa ia mendapat kepercayaan penuh dan arahan dari Datuk Seri Najib.

"Gambar-gambar Jho Low dan

kelakuannya, umurnya yang amat muda serta cara hidupnya tidak menggambarkan peribadi yang meyakinkan orang ramai. Tetapi dia dilaporkan beli rumah di New York dan Hollywood beratus juta ringgit. Kemudian rumah-rumah ini dijual kepada anak tiri Najib (iaitu Riza Aziz) dengan harga ratusan juta ringgit bagi setiap satu kerana kononnya Jho Low jumpa rumah yang lebih indah di Hollywood yang harganya lebih tinggi.

"Dari mana datangnya duit beratus juta kepada Riza Aziz tidak dapat dijelaskan. Keluarga (bekas Perdana Menteri) Tun (Abdul) Razak (Hussein) termasuk Najib menafikan duit ini adalah dari keluarga. Pelaburan ratusan juta dalam filem "The Wolf of Wall Street" oleh Riza datang dari mana?," soal Dr Mahathir bertubi-tubi.

Katanya, ada banyak lagi tuduhan dan soalan terhadap 1MDB yang ditubuhkan oleh Najib dan dikuasai penuh olehnya sebagai penasihat yang tidak dijelaskan dan tidak dijawab selain daripada menafikan dan mendakwa semuanya bohong belaka.

Beliau menyifatkan laporan mengenai isu itu di dalam akhbar di New York dan London malukan negara.

